

百六十五兩六錢六分三釐三毫八絲九忽二微內坐

解本府支放廣信府營兵餉銀二千二百七十九兩九

錢七分九釐三絲三忽七微餘銀二千二百八十五兩

六錢八分三釐七毫五絲五忽五微解給鉛山縣營兵

餉于康熙年間改解布政司抵充兵餉

一各項脚耗內除裁入地丁內充解外實徵銀八十三兩

三錢五分三毫三絲六忽五微八纖

一戶部項下木色物料 農桑絹絲棉絹銀硃二硃紫草

五梃子烏梅明礬黑鉛錫紅熟銅黃蠟桐油 以上木

色物料原價銀共四兩六錢九分二釐九毫七絲九忽
一微六纖鋪墊共銀二錢六分八毫一絲二忽五微續
墾陞補銀九錢二分一釐四毫 折色物料農桑絹絲
棉絹顏料銀銀硃二硃烏梅明礬錫桐油生漆 以上
改折物料時價共銀五百四十二兩四錢三分五釐一
毫五絲四忽九微鋪墊銀二錢六分 以上本折色價
值不等例有時價候督撫查明價值行司移會督糧道
刊入出單發縣照數徵銀解府委官採買物料并折色
銀兩解部

一本色糧米 漕糧正副耗併陞墾共米七千四百九十
一石一斗八升八合三勺四抄四撮運赴省次聽候督
糧道發兌南糧兵米正副耗併陞墾共米九百九十九
石九斗九升四合七勺六抄六撮或徵本色或係折徵
奉撫院咨文送道行府示縣徵收

一南糧兵米官徵官解除耗費米全裁外水腳銀五百八
兩五錢五分七釐九毫爲僱船募夫運米使用奉前院
題請七分水脚免編少甦民力實派給三分水脚銀一
百五十二兩五錢二分七釐四毫按今照祿派該本色

米一石加銀一分七釐六毫三絲三忽七微 漕糧官
 徵官解舊例派耗費米三百五石一升六合四勺水脚
 銀九百七十四兩九錢七分七釐一毫按今照祇派該
 本色米一石外加銀一分一釐二毫七絲米三升五合
 二勺四抄四撮此項銀米與兵糧水脚不在條編正額
 之內印官徵給解官收為僱船募夫等費不許糧官多
 加

一 隨漕項下 隨漕輕費銀六百一十兩六錢六分八釐

三毫一忽蘆蓆板木銀二十九兩九錢四分四釐二毫

二絲四忽三纖脚耗銀三兩八錢七釐八毫五絲八忽

六微四纖過湖銀一十兩五錢九分六釐八毫四絲九

忽五微協濟各衛所軍旗月糧米銀五百三兩一錢四

分四釐九毫九絲一忽八微一纖 陞科銀一百三十

二兩八分八釐一毫一絲三忽四微四纖 以上共銀

一千四百三十八兩六錢三分五厘六毫三絲八忽四

微二纖徵解督糧道交納

一本府經歷 俸銀二十四兩二錢二釐薪銀二十四兩

內裁八兩二錢二釐實給銀四十兩康熙十六年全裁

賦役 田賦

二十一年復書辦一名工食銀七兩二錢全門子一名
工食銀七兩二錢內裁一兩二錢寔給銀六兩皂隸四
名工食銀二十八兩八錢內裁銀四兩八錢實給銀二
十四兩馬夫一名工食銀七兩二錢內裁一兩二錢實
給銀六兩 以上三項共銀三十六兩康熙十六年全
裁二十二年復

一本縣知縣原編 俸銀二十七兩四錢九分薪銀三十
六兩迎送上司傘扇銀一十兩三項共銀七十二兩四
錢九分內裁俸薪銀二十兩四錢九分又裁迎送上司

傘扇銀八兩餘銀二兩併入俸款共給銀四十五兩康
熙十六年全裁二十一年復心紅紙札油燭銀三十兩
內裁一十兩實給二十兩康熙十六年全裁修宅家伙
銀二十兩全裁吏書十二名工食銀一百二十九兩六
錢全裁門子二名工食銀一十四兩四錢內裁二兩四
錢實給銀一十二兩皂隸一十六名工食銀一百二十
五兩二錢內裁銀一十九兩二錢實給銀九十六兩馬
快八名工食銀一百四十四兩內裁銀九兩六錢實給
銀一百三十四兩四錢民壯五十名工食銀三百六十

兩內裁銀六十兩實給銀三百兩燈夫四名工食銀二十八兩八錢內裁銀四兩八錢實給銀二十四兩以
上各款共五百六十六兩四錢康熙十六年全裁二十
二年復 看理監倉禁卒八名工食銀五十七兩六錢
內裁銀九兩六錢實給銀四十八兩修理監倉銀二十
兩康熙十六年全裁轎傘扇夫七名工食銀五十兩四
錢內裁銀八兩四錢實給銀四十二兩康熙十六年全
裁二十二年復庫書一名工食銀一十二兩全裁倉書
一名工食銀一十二兩全裁庫子四名工食銀二十八
兩八錢內裁四兩八錢實給銀二十四兩斗級四名工
食銀二十八兩八錢內裁銀四兩八錢實給銀二十四
兩 以上二款共銀四十八兩康熙十六年全裁十七
年全裁二十二年復

一本縣縣丞于順治十七年奉文添設 俸薪馬夫門皂
等役工食詳院咨部在于袁州府萍鄉縣奉裁訓導經
費銀內抵給

一本縣典史 俸銀一十九兩五錢二分薪銀一十二兩
以上二款共三十一兩五錢二分康熙十六年全裁二

十一年復書辦一名工食銀七兩二錢全裁門子一名
工食銀七兩二錢內裁銀一兩二錢實給銀六兩皂隸
四名工食銀二十八兩八錢內裁銀四兩八錢實給銀
二十四兩馬夫一名工食銀七兩二錢內裁銀一兩二
錢實給銀六兩 以上三款共三十六兩康熙十六年
全裁二十二年復

一本縣儒學教諭一員訓導一員 俸銀各一十九兩五
錢二分共銀三十九兩四分薪銀共二十四兩俸薪共
銀六十三兩四分內裁三十一兩五錢二分存三十二
兩五錢二分又奉文加增品級共銀四十八兩四錢八
分實存共銀八十兩齋夫六名工食銀七十二兩內裁
三名工食銀三十六兩實存三名工食銀三十六兩膳
夫二名工食銀四十兩全裁門子五名工食銀三十六
兩內裁三名工食銀二十一兩六錢存二名工食銀十
四兩四錢學書一名工食銀七兩二錢全裁教官二員
每年各喂馬草料銀一十二兩共銀二十四兩全裁
以上儒學項下俸食共銀二百九十兩七錢二分內裁
銀一百六十兩三錢二分實存銀一百三十兩四錢

賦役 田賦

一 本縣葛溪驛驛丞 俸銀一十九兩五錢二分薪銀一十二兩書辦一名工食銀七兩二錢全裁皂隸二名工食銀除裁外實給銀十二兩康熙十七年全裁二十二

年復雍正六年衙門全裁基址造店租入義學

一 解布政司支用 表箋紙價銀一十兩內續裁解部銀

五兩實解司銀五兩康熙十六年全裁十七年復科舉椅桌銀二十兩五錢八分三釐零康熙十六年全裁二十二年復一半進士牌坊銀一十一兩一錢一分一釐零武進士牌坊銀一兩三錢八分八釐零舉人牌坊銀

三兩會試舉人水手銀三十二兩武場支應銀一兩武舉水手銀四兩憲書紙價銀一十二兩七分三釐 以

上七款共六十四兩五錢七分三釐零康熙十六年裁

二十二年復

一 解本府支用 本府應 朝路費併擡冊夫價銀五兩

四錢全裁如遇覲年于地丁內扣解府貢盤纏銀六兩

康熙二十一年留坑兵月糧銀五十二兩四錢八分七

釐零康熙十六年裁協濟脩理府城工料銀五十兩康

熙十六年裁

一存留本縣支給 縣學廩生二十名每名廩祿六兩共銀一百二十兩遇閏年各加五錢全裁後復每名廩膳銀二兩共四十兩遇閏年每名加銀一錢七分共三兩四錢 文廟朔望香燭銀一兩八錢遇閏加銀一錢五分康熙十七年裁十九年復縣學看守祭器書籍庫子一名工食銀七兩二錢遇閏年加銀六錢十六年裁二十二年復

一春秋祭祀 文廟銀三十八兩二錢四分六釐 啟聖

祠祭銀六兩六錢四分名宦鄉賢二祠祭銀一十八兩

二錢二分六釐社稷壇祭銀一十一兩四錢四分八釐

陳文正公祠祭銀三兩謝文節公祠祭銀三兩邑厲壇

三祭銀一十四兩五錢三分 以上七款共九十七兩

七錢八分六釐康熙十六年半裁十九年復 鞭春塑

造春牛芒神等銀二兩康熙十六年全裁二十一年復

門神桃符銀八兩三分全裁春冬鄉飲酒禮銀一十四

兩二錢內裁銀七兩一錢實給銀七兩一錢康熙十六

年全裁縣官新任祭奠銀二兩五錢康熙十六年全裁

縣觀費及擡冊夫價銀二十九兩六錢六分六釐零全

裁如遇覲年奉司扣給應制造冊紙張工食綾祿等銀
一兩全裁如遇覲年奉司扣給歲貢酒禮銀二兩五錢
歲貢盤纏銀二十五兩二款共銀十七兩五錢康熙十
六年裁二十一年復應試生儒路費銀四十兩康熙十
六年全裁考試操練銀三十五兩內裁解部銀二十四
兩實存銀十一兩康熙十六年全裁雜支供應過往上
司使客中伙下程等銀二百二十兩全裁谷應上司卷
箱棕罩扛架鎖冊等銀六兩全裁修理分司府館置辦
器皿銀四十五兩四錢九分二釐內裁銀二十一兩七

四分六釐實存銀二十四兩七錢四分六釐康熙十六
年全裁改編修理城垣工料銀二十七兩七錢七分五
釐康熙十六年全裁孤貧口糧銀八十四兩六錢全裁
遇閏各加銀一錢五分孤貧冬布銀九兩六錢全裁刷
印版經由票等銀四兩一錢七分一釐管解各項糧差
路費銀二十七兩四錢三分四釐零康熙十六年全裁
答應皂隸四十名每名工食銀三兩六錢共銀一百四
十兩遇閏各加銀三錢康熙十六年裁二十二年復義
民二名工食銀七兩二錢共銀一十四兩四錢遇閏各

加銀六錢康熙十六年全裁二十二年復看守分司各衙門門子四名每名工食銀二兩共銀八兩遇閏各加銀一錢六分六釐康熙十六年全裁二十二年復縣官渡船夫二名每名工食銀一兩修船銀五錢共銀三兩裁半銀一兩五錢實給俸一兩五錢遇閏各加銀八分三釐康熙十六年全裁改編吹手八名每名工食銀五兩共銀四十兩遇閏各加銀四錢一分六釐零康熙十六年全裁二十二年復改編守城塽夫七十名每名工食銀七兩二錢共銀五百四兩遇閏各加銀六錢康熙

十六年半裁十七年全裁

一舖兵三十四名二分五釐每名工食銀七兩二錢共銀二百五十兩一錢遇閏各加銀六錢

屯田

原額鉛山縣屯田坐弋陽縣都內額該一千七十九畝七分九釐零康熙五年撫部院董批處詳鉛山所于本年歸併各縣代徵移冊到縣共徵籽粒銀一百九十九兩五錢九分五釐解道乾隆七年陞課屯田七百二十一畝三分五釐屯地二百十六畝一分共成熟屯田地二

十頃十七畝二分零俱係鉛山所軍丁召佃耕種管業
 收租應徵正折加增屯糧銀一百九十二兩四錢九分
 零丁隨糧轉又徵屯丁銀六兩八錢五釐零遇閏加銀
 一錢七釐零 以上屯糧屯丁二項實徵銀一百九十
 八兩五錢七分六釐零

雜稅

一各牙行稅銀四十八兩七錢七分三釐零水脚銀一兩
 一錢二分一釐零遇閏加正銀三兩八錢四分八釐零
 水脚銀八分五厘零 額徵牙行稅銀四十兩又牛稅
 銀一兩五錢 稅契銀兩原無定額每價一兩徵稅三
 分儘徵儘解 銀鈔銀三兩六錢九分二釐零 水脚
 銀六分一釐零遇閏加正銀一錢一分五釐零水脚銀
 二釐零 以上各牙人辦納今總歸地丁款內統解布
 政司庫 一牙行換帖時解銀一十三兩 牛牙稅年
 額銀二兩 民間田房交易稅契完納常年不等有輸
 卽解布政司庫

附錄二
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

弋陽縣志

學校 學官 學額 學田 書院 社學 耆棚

古者禮樂賦役兵刑之職皆於學宮有事士之學者無不可為天下國家之用陳文正公為諸生時傳稱其樂易和粹若不經意於世務迨臨大事呼吸變化再安天下為一代宗臣是其所謂學寧僅在語言文字之間而已哉古人有言曰學然後入政學者可以

識所務矣

學宮

學校 學宮

宋紹興二年知縣劉伯成始建於縣治西元末兵燬明洪武三年知縣劉琢徙今所永樂間圯於水宣德六年知縣王尙瑀重建殿廡堂齋庖厨門庫繪塑聖賢之像創號房

二十楹

祭酒胡儼記 弋陽儒學舊為藍山書院宋謝疊山先生所建元張純仁讀書其中後罹兵燹書院遷於城內洪武初詔天下郡縣皆立學造士書院遂改為今學也永樂丙申山水漲衍學宮漂潰故址獨存師生講業春秋祀事居處禮儀一切遷就而已迨甲辰歲會稽王尙瑀來宰斯邑釋菜之日顧瞻徘徊惕然於中固已默有經營之志矣期月之間政修令行民用化孚乃度材擬埴鳩工庀材自禮殿以及門廡講堂以及齋舍謹飭規制加丹堊於圯墁飾金碧於棟宇高明靚深倍增於昔於是聖賢有像采章炳炳德

容依然然謂習有所周旋進退元文私於嘉書有室而簡冊崇景賢有祀而先德著與夫邊豆簠簋之潔修庖厨庫廩之完具卓然壯觀于溪山之域而邑之士庶得有所瞻仰而依歸矣是役也從容不迫工有程而民不擾越三載而告成教諭李陽具本末請予記且以表王君之有功於學也語曰百工居肆以成其事君子學以致其道學宮之修復固有司之修政學者從事于斯豈徒尙夫宮室之美觀也哉藏焉修焉一志慮之專以戒夫游惰之失胥告胥訓誅聖賢之志以求夫義理之奧磨礪切磋深造自得乃有以開明其心志而義精仁熟則于應事接物之際皆得其宜矣施於有政特舉此而措之耳此明體達用諸君子篤志勿倦必獲其效庶上不負朝廷教育之深恩下不辜王尹作興之美意而師友道義之相承足以紹疊山之風範他日賓興于然而來弋陽之士必有可觀者余雖衰老尙拭目焉

景泰三年知府姚堂重修之

學校 學宮

少卿李奎記 弋陽有學尚矣創建之由唐牙以前無可考迄元建于縣治東相去不十武明因之廣其遺址構其鉅材殿堂門廡之制聖賢繪塑之容率以法遵明詔也歷歲既久屢修屢廢永樂中得山陰王公尙珣為之令鼎新修創規制儀範有加于舊迄今仍就頽毀景泰壬申冬郡守四明姚公堂行部至縣謁拜廟學慨然嘆曰廢壞若此將何以安聖靈庇師生况望教之立乎遂借教諭王瑄訓導康濬各捐俸倡眾為修創之舉邑之義民邵有珊汪韞輝輩聞風樂助不勸而集于是首改塑先聖及四配十哲七十二賢像其殿堂齋廡亦加修葺適巡撫都御史始蘇韓公永熙憲副山陰韓公伯賜繼至嘉守留心學校凡有未備者二公復命知縣曾玉王簿程廣設法措理憲副公復建文昌祠于戟門之東內肖以像由是諸制悉備往來觀者莫不嘆羨棟宇高聳門墻庭戶之崇嚴像設精研冠弁圭裳之儼飾皆昔所未有其射圃舊在北隅堂背基地與後山接壤占於民者教諭陳璜訓導林瑄輩白于憲副公舊地悉復僉謂不

可無文垂示永久乃闡詞徵言於予

天順六年知縣吳澹又新厥制功未竟成化三年知縣李

庭芝踵成之

尙書孫原貞記其畧曰弋陽儒學先代創制無考洪武初詔天下郡縣立學就宋儒謝枋得舊制書院改設焉末樂丙申溪流泛濫學宮蕩然迨至甲辰知縣會稽王尙珣復建其規模悉如舊制天順初知縣增城吳澹下車行釋菜禮顧瞻廟貌年深頽敝力謀重造壬午冬興工明年禮殿成後復塑神像又改創學門為樓扁曰奎星泮橋南十字街舊有直街通溪居民任塞復闢之本府同知宜興蔣益臨縣勸率買石鋪砌作四牌坊工未畢而吳君陞饒州同知去任成化丁亥宜興李庭芝來知縣事凡工之未就者以為己任塑諸賢像創兩廡及諸屋舍之敝者修之缺者補之由是正殿設像門廡講堂齋舍庫厨牲房廩廩

燦然一新協贊其成者則縣丞虞賜教諭林時厚訓導鄭玉典史黃訓皆與有功焉

宏治丁巳殿廡復圯知縣戴初集材營建繼任王誥撤殿

廡重門而一新之吳晟記 按吳晟邑人宏治庚戌進士前志誤作吳日成今照通志改正

正德辛巳知縣楊翽作泮池泮宮坊倪鶚成櫺星門嘉靖

丁亥燬於火署事同知盧元愷知縣季本共新之尙書汪

俊記季本與造祭器太常少卿汪佃記

汪俊記 嘉靖丁亥九月弋陽縣而火及儒學大成殿兩廡暨衙舍之在東者皆毀明倫堂僅存亦頽圯弗屋縣以聞之上官請復舊規戊子冬御史儲君良材按縣府同知盧君元愷署縣事乃議與役市材陶甃各干其名地求良焉初得杉木若干於饒伯水溢也木多漂失惟此無虞既抵縣又值水溢木浮至工

所不假人力人謂得神助云己丑夏季本不以名從史來蒞縣毅然以興起斯文為己任刻期底成上下感奮承委督造若某某皆自食千家而勤事于公是殿廡以己丑冬十二月明倫堂以庚寅夏五月訖工而門亭齋舍廚庫皆次第畢舉殿崇凡三丈五尺堂崇二丈八尺廣稱之先是學外居民齟齬一委巷耳至是因闢正焉如砥如矢以達于通衢過者肅然具瞻信凡七學茲為冠焉季君屬俊記其事後惟國家設學校以養士而儲其材以資世用蓋治之本也有司或慢視之可乎吾學之初燬也非特士無所歸而邑之及老皆悵然若喪其家不能一朝居者今觀光復莫不踴躍相賀前後有司之為政于此亦可觀矣俊家世從仕皆由此途出竊聞前輩風議率以名節相砥礪俊輩承之雖曰不敏而君子之澤蓋未泯也諸君子遊十斯其亦有概于其中乎朝廷以為治本有司以為政首而吾之所以自待者宜何如舉子業之外亦尙當有究心者乎文章之著性命之徵宋大儒發明指示不遺餘力聖人復起不易吾言而朱子

學校 學官

又為會通以附洙泗之訓俾學者有所從入一道德
 同風俗後世賴之厥功茂矣季君學有本末政成多
 暇諸君子知所向往無倦教焉教諭張君嵩訓導陳
 君祚皆與季君同志者也不汨于利欲不遷于異說
 鄉有善俗之望世無乏材之嘆其為
 茲學之光不亦大乎庸書此識其始

注佃祭器記 簠簋俎豆制度文章禮之器也又曰
 禮之所尊尊其義也釋其義陳其數祝史之事也故
 其數可陳也其義難知也雖然陳其數而惜于義者
 有之矣未有不得其數而能達其義者也先王尚象
 以制器大小高卑多少質文之度各有攸稱其奇偶
 有倫其位置有次其隆殺有等毫髮有不可苟者故
 曰禮器是故大備大備盛德也苟非豫講于素一旦
 臨事而欲設之咸當稱體備用成難矣哉古之立教
 自小學以上未嘗一日舍禮不學而他事儀章度數
 習于見聞安于踐履釋回增美良以是夫今去古日
 遠禮文莫徵學者雖欲求通一名物且不可得况其
 幾乎斯時也有能稽逸文章墜典慨然以興修禮器

為己任雖未能盡如先王之舊而數存焉好古之士
 得有所藉以求其義庶幾存羊之意歟會稽季君明
 德予同年友也以御史直言謫尹吾七廉公有威百
 廢具舉凡所建立咸為可久之圖而尤留意于化道
 視篆未幾率新學宮宏麗嚴邃光倍前規為江西諸
 學冠工成費鉅而人不知其所出又以文廟祭器舊
 用窳木不潔且易壞乃範金易之志存復古義出從
 周篆圖貞珉俾可勾校以垂永久而學宮品章于是
 大備徵予文記之予惟世名良守宰往往取具日前
 以簿書期會舉其職至於稽古禮文之事漫不察省
 而季君用心獨異乎是加於人一等也謂之達禮君
 子非耶登斯庭而與駿奔者按圖以考器則其數可
 陳若夫過此以往則因乎其人焉然則斯舉也其於
 教之助大矣是固為政之首務而不可缺者哉後之
 人當敬守之俾勿壞則圖常存而器不失器不失而
 禮不廢矣此季君之志固繼季君之責者也是不可
 以不記觀者其毋謂
 邊豆之事在於有司

學校 學宮

萬曆十三年知縣鍾維藩復新之置門殿兩廡齋舍明年知縣呂應詔清復居民侵地復就本學前坊內外樹匾曰騰蛟起鳳曰萬代瞻仰自為記

呂應詔修儒學記 嗟嗟邪正之辨較然黑白矣余獨怪世之人所誦法者孔子之書也所日用者孔子之澤也而其所自奔走而歸命者往往委心於佛老甚且絳碧輝煌雕鏤錯雜不吝千金以粉飾其廟貌而至聖賢之門牆則任其傾頽圯廢而不之問此其在愚夫儉父且不可而况所當誦法其書以日用其澤者哉是皆父兄之教弗先而索隱行怪之徒卒役役而不悟也余捧檄治弋於民俗之利弊政治之朽蠹即未能一一釐之正而至所妄自規條處民亦稍稱便乃獨於吾孔子之宮則自執政以來雖日為之竦然不寧而尚不獲展其初志蓋弋之有學舊矣其殿宇之巍我廊廡之幽厥非不足以妥先聖之靈

而申俎豆之敬特以文廟前衢為章縫士所旅進於退者竟為市肆所闕塞而啓聖鄉賢各宦諸祠又與先師廟相遠邈無乃非制乎余用是告之彥秀謀之父老竟於丁亥年春月之吉開闢其所闕塞而聯屬其所遼邈猶懼妨民也乃以縣南隙地復其屢入學租如故而以騰蛟起鳳萬代瞻仰頽其前坊以推戴乎至聖而振起乎後人詩曰鎬京辟雍紀文化也又日既作泮官淮夷攸服頌武功也一建學而文化宜武功競則是役也豈其不軌不物而好為變革以罷民哉崇術於斯主政於斯受成釋奠畢於斯弋之髦士其有興乎

天啟間知縣許兆金教諭葉奕武據記重修鄭以偉記

鄭以偉記畧 餘干葉君奕武起家巍科做秀才便以主盟斯道為志居身退焉如不勝而綱紀之屬毅然必飭忠孝之素里美而族儀蓋羹藿趨步得聖賢精神所在而克振俗宣化者未幾來秉弋鐸弋故文

獻區文章節義彪映今昔而造養兼成實維有待公下車雅意作人輒傾囊資構几榻急集邑人士課甲乙之大都列前茅者極一時選而拔尤則朱生萬祚陳生士選詹生振光時咸心折為水鏡云無何循覽頽圯慨然不寧進諸生商土木工役之費僉曰不下千金謀諸令公張君大受郡公蕭君思似請重修焉會軍賦煩興公財殫闕即前後俸捐無以贍事非惟不贍且不暇公慨然曰聖賢靈爽式憑之地獨非吾師生責况天下事任於有可任之日難敵仄腐壞轉以相付從來之所以致敗也乃不憚重捐為倡首諸人士爰樂輸其優免賦不足多方裁布幾于心血欲枯薦紳耆老感公之精誠亦出而輕重佐之長副領辛卯鄉薦公是歲便道歸餘干偕上公車識者謂非公久居此興復無日南宮之役旋罷公仍乞還弋序諸人士欣欣色喜謂天實惠師公至見向所聚木石漸次散去爰是偕同寅吳君淑舒君國宗瀝酒為誓徵諸生端練者董率一椽一石公手自經畫平心調置如家事由是費省功倍民未嘗知有公役歸然特

構聿焉告成塗墍既精丹堊又美神欣其靈之獲安而士慶其業之可居猶歟休哉鶚憬于桑魚流于藻隱隱靈氣鬱蒸變為人文益振起之弋士素淳樸自貴間被一二猶民口侮目觸公挺然主持其間見當道事侃侃吐白不為兒女囁嚅而立身行已大端復時相切磋邇功令嚴按劣行核官評令再下獨弋多以端碩聞而公所拔朱陳詹三生皆舉於鄉為光鼎構其他人士琳琅蘊藉又隆隆起將踵而鳴皆藉公之鼓舞于無窮也公性廉慤士小過輒督責已而開襟滌懷無復翳結貧而贊介然謝之淡漠無名心至談文讌士達曙勿倦大都光明俊偉寬大有容丰骨稜嶒遇事慷慨之君子也一日偕諸君來邸中莊誦梗槩予聞而喜之記其事非敢為公重惟昔郭林宗行宿逆旅且必躬自灑掃而去人以規其品槩公為天下士而不以傳舍視茲土故為揭之且志弋人士中心之悅以垂範于不朽云

崇正間教諭葉景先知縣王萬祚相繼修理飾大成殿建

泮池文星橋修撰劉同升記

劉同升記 郡縣之有學宮舊矣弋自丁亥災于火
 彭山李君以名御史蒞茲土為鼎新之據向高體位
 置以良至禴奠鐘簾籩餼之器備前所未及乃艱革
 之始取大規歲既久殿廡講舍漸敝補餽維新後起
 是藉滇南邢君署學事時會稽王侯以宏才卓行天
 子特簡之釐弋甫下車以興起斯文為己在月設兩
 課手為評騭歷寒暑不輟邢飾木主以金壁倡弟子
 晚惟一燈于聖座士之講德而游斯者文亦若增而
 綸氣亦若增而揚矣侯曰未也聖廟傾圮顧瞻肅拜
 怦然瞻懷不稱所以尊嚴先師之意爰同寮共謀曰
 文翁在蜀而禮殿與儋公居魯而泮宮作及今不理
 誰職其咎隨出帑金措贖銀辰鳩工伐堅以梁陶
 膏以瓦頽舉徹易漫漶以色復于壁水之上架虹梁
 以突峙于其前顏曰文星橋蜿蜒鬱隆隱隱若虬龍
 之雲翔飛踞于泮池而聿起文明之象也閱數月人
 其門而崇垣修廡翼翼其相引也升其殿觀丹青輔

徽煌煌其相秩也入其室見俎豆絃箏詩書翁翁其
 有以相置也今而後士肄于庠咸歌舞之矣乃相與
 不朽茲役遠徵予言志侯績予往來道人眺葛溪龜
 峰之秀私心謂是中當有異在賢有司教育之夫望
 帝宮象闕者使人心肅而憚過梵宇崇祠者使人心
 虛而畏官殿之于人心固然今弋士較藝而觀先聖
 人之宮夔棟翼然丹塗赭然庶幾亦有遠心乎予更
 有進日侯豈以其官室之敗壞是葺抑亦今士習之
 敗壞是懼古之君子行有壇宇言有坊表衣裳有禴
 結心思有望滌造道有奧窔識其藩籬室其穴隙所
 以救敗圯而自完澤也我明建學立師養士之法繼
 三代而軼宋近所為飭功令厲學官者甚純醜也弋
 文節所自出道德文章鬱而起者且不勝指昭前而
 加厲焉本仁以耕之講學以耨之播樂以安之至于
 食肥而天下大順而侯之教將與文翁東魯之澤共
 獲于無窮于是學官諸士股股焉聞闈焉有慨于予
 言也而麗之學門以為記王侯諱為祚會稽人由保舉明經行取四川道監察御史

國朝順治五年毀於土寇康熙九年知縣陶燿捐建自為

記

記云 國家不可一方而不育人材即不可一方面不建學弋邑素稱地靈人材獨盛其所謂卓然自立矯然不欺其志之士自長卿疊山以來光史册而著簡編者不可勝述其有學也廢典不一具見宋元明諸記中自明嘉靖丁亥燬於火知縣李本重新之凡殿廡門亭為之畢舉規模宏遠冠於六邑嗣是以來人文輩出風流不泯至我

聖朝順治五年金逆發難江右盡為劫灰弋城內外一望荆棘又繼之水旱戶口逃竄哀鴻未復學官片地止有先師一殿予承乏茲土每朔望瞻拜及春秋釋奠之日幾委嘉禮于草莽負痛者久矣顧以力屈未果丙午春集諸子與之謀時有某某等進而請曰學之興廢雖有時數蓋亦有人事焉今先生之志既果人事定矣且安知非聖道振起時數相符之日耶余嘉

而唯唯隨估計鳩工率先僚屬及多士捐助外隨有義民某某等身任其事始于初春成于仲冬凡大成門東西兩廡鄉賢名宦祠明倫堂尊經閣啟聖祠等處因基址崇廣之不失尺寸然是役也較之季公時更有難焉者在明世宗朝人民和樂號為全盛百年之中不見兵革士紳家為力尚易今絃誦久輟巷無居人諸生欲構一椽而蔽風雨殆不可得即諄諄以先師勸勉求其家論而戶曉也能乎乃時勢艱于前而告成反捷非無故也時有捕尉路君不辭勞苦凡材木陶甃之類各於其地求良焉廣文邊君會計精聯督幸不倦其相為理也豈一手一足之力哉落成之日予進諸子而醮之曰人材所出之地既定必有游於斯習於斯以為一日之用百年之祈者諸子隆師重道登堂入室其亦有意乎當不令長卿疊山輩獨擅地靈于前已也

康熙十三年罹寇傾圮十八年知縣張龍如復建大成殿

較前制稍隘而堂廡率多未葺知縣譚瑄重加修建又立
進德修業兩齋爲學署雍正三年知縣張世顯稍修葺規
制卑隘乾隆二年邑紳鼎新建造經始於丁巳告竣於庚
申聖殿基址填高五尺濶六丈四尺深五丈九尺大成門
名宦祠鄉賢祠基址填高五尺濶十丈八尺深二丈六尺
崇聖祠明倫堂奎星樓文昌閣泮池文星橋櫺星門與齋
室一所諸制畢新磚封外牆周圍計二百六十五丈知縣

陳莫纘記

前志

陳莫纘記 弋學始於紹興三年而長卿疊山諸先
輩文章事業炳天壤而光史冊者相繼而起迨徙置

於洪武重建于宣德增修於景泰天順間而弋之登
臚仕列科甲者後先相望父子兄弟每有聯芳纘美
者宮墻其人材科名之所山繫乎弋自設學以來修
建代不乏人 國朝順治五年燬於兵而陶令修之
康熙十六年再毀而張公修之迨浙右譚公重建即
今六十年無有起而修葺之者其日就圯廢也固宜
丁巳歲余掣選弋陽陳君仁適入試禮闈謁予于旅
第首叩治所宜先具以聖廟狹隘傾頽相告迨蒞事
瞻拜卽隱然自任以爲已事躊躇者彌月釋菜後通
邑之縉紳士民胥集來告乃捐俸爲倡邑倡而士民
聞風樂助亦不勸而自集隨度地庀材鳩工上其事
於各憲而郡守陳公尤欣然樂舉鼓舞勸導厥力居
多始其事於丁巳之秋九月自禮殿兩廡大成門櫺
星及奎星文昌並鄉賢名宦等祠皆撤其舊而重建
之基高於舊百武規制崇廣加倍於昔六十年之隘
陋一旦大新學校光昌之運似若有待焉者是役也
廣文則劉發純劉廷瓚縉紳則陳仁陳昌言諸生則
周式金范大任范珽葉雲周廷弼廖士英方棠謝和

藥威遠周萬育趙士棟葉年茂義民則張士超徐瑞
 廷路特有陳楚玉王政先夏元臣皆勤懇襄事己未
 夏五月諸功漸次告竣而予遽以風木之痛還里未
 克適觀厥成幸高君尚禮以三晉各流攝篆斯土留
 心學校其鼓勵視予有加
 厥功之成自拭目可俟也

學前甬道南至城左右廣如官址歲久市民侵佔雍正間

邑紳江朝宗呂廷書等白邑令洪立進漸次清復舊志

崇聖祠乾隆二十七年知縣劉埴同闔邑紳士重建

名宦祠祀巡撫白潢督學高璜知縣董敦逸季本孫森程

志學譚瑄吳澹李琪劉琢王萬祚王尙瑛教諭王燕及凡

十三人

鄉賢祠祀方竦楊億沈邈余安行余應球陳康伯周執羔

謝枋得張純仁李奎姜綰姜清汪俊汪偉黃溥汪佃黃春

范思聰凡十八人

忠孝祠祀沈邈余安行余應球陳康伯方疇余公瑞余公

彥謝徽明汪文莊汪開齋曾龍高虎楊國龍馬成麟吳德

祥劉世佐凡十六人

節義祠祀謝枋得妻李氏黃觀妻李氏汪疇妻姚氏劉廷

材妻吳氏何龍圖妻鄧氏節婦李氏節婦羅氏節婦謝氏

節婦虞氏呂思明妻范氏呂成錦妻王氏黃大用妻萬氏

葉之軫妻周氏凡十三人

學額

順治十五年題准府學額二十名大州縣學十五名中學十二名小學八名雍正二年大學照府學額中小學有以次遞升者見在弋邑歲科試額進文生十二名歲試額進武生十二名廩膳生二十名二年一貢增廣生二十名

學田

教諭舊管學田一十二畝三分 陶塘坂田三畝六分歲

租穀四石三斗 陶塘坂田一畝五分歲收租穀一石

七斗 陶塘坂田二畝六分歲收租穀二石八斗 藕塘

坂田二畝四分歲收租穀三石四斗 朱塘坂田二畝二

分歲收租穀三石三斗 以上田共一十二畝三分歲收

租穀一十六石五斗 應完漕兵米二斗四升

每歲應完錢糧銀五錢六分六厘應完漕兵米二斗四升

五勺 訓導舊管學田一十二畝三分 陶塘坂田二畝歲收租

穀二石五斗 陶塘坂田三畝三分歲收租穀四石正

陶塘坂田二畝歲收租穀二石八斗 陶塘坂田二畝三

學校 學田

分歲收租穀三石二斗
花家門前田四分歲收租穀五
斗
大塘坂田二畝三分歲收租穀三石五斗
以上共
田一十二畝三分歲收租穀一十六石五斗
每歲應完糧銀五錢六分六釐應完漕兵米二斗四升五
勺
葛溪坂地四塊計二畝教諭訓導共管歲收租穀一石
乾隆四十六年廩生周文銘捐南街店房一所歲收租錢
四千九百文歸縣經營備學使按臨賑給貧生之費

書院

疊山書院在新政鄉今廢

石月書院在石月山宋余安行廬墓之所有詩并序

保訓書院在縣西孝宗勅建前為萬卷堂左右列獨對自

怡二亭後為寶訓樓又其後建褒贈三國公祠祠後有三

光亭五美園孫朝請郎陳景衡重修今廢

藍山書院在縣治南邑人張卿弼隱居教授其門人楊應

桂等以來學者眾建書院以處之元至順三年其孫繁昌

尹純仁重修虞集記

記曰 藍山書院者弋陽張君卿弼之所作也卿弼
字希契故宋時孫太學登咸淳戊辰進士第除福州

司戶辟充教授仕至興化倅而宋亡歸弋陽隱居不出門生弟子從受業者甚衆郡邑方內附學校多廢僉提刑按察司事王公強起之至縣學以爲師縣人土翕然來從之乃新作縣學江東宣慰使王公又迎至郡學以爲師以教一郡六邑之人又作郡學於是年其門人楊應桂申益章以來學者之衆無所息游也規爲學舍以處之得地于縣之水南廣長幾八里中爲官焉有廟堂以祀夫子兩廡翼焉有明倫堂以講學有祠以奉其鄉先生其左右齋日稽古學易約史與詩立禮成樂祭器有藏庖漏有所前爲大門畧如郡縣學之制明年九月告成名之曰藍山書院其後鄰縣陞爲州直隸行省割水南地以益之獨書院之境仍隸弋陽張君始爲山長應桂繼之卽列爲學官行省署官來任之矣至順三年春繁昌縣尹張純仁來言曰昔先大父之始爲此也買田以繼師弟之食與鄉人之以田來助者通計若干畝純仁與弟顯忠又以私田若干畝以增其不足皆買諸民田官仍

徵其常稅勿除也書院之設五十餘年純仁等以時補葺不敢廢先人之志來官于是者率三年代去經始之故將遂湮沒純仁深惟大父之爲此學也庶幾邑人士之有成立焉今純仁始登至治辛酉進士第大父之門人方回孫登泰定丁卯進士第而純仁之子熙載亦解于鄉則皆遺教餘澤之所出也又何敢忘乎敢請一言歸而刻諸石以圖不朽焉是爲記

碧落洞天書院

宋宣和五年七月二十三日余發永嘉抵弋陽得所謂碧落洞天者書院層其下窅

然以幽亭闌懸其上豁然以敞誠藏修游息之所也獨陟其巔俯仰四顧藐無與儔慨然輕世肆志之思起焉冬十月十九日元晦朱君至自崇安講論切劘今有日矣覺向之心胸廓落愧與忻併因書以志其感云見王十朋梅溪集

湖山書院在萬全鄉元詹氏所建勅扁今名有山長領教

事今廢

九川書院在九川明宣德間李文儀與從弟文彬建正統

間少卿李奎致政歸重建有英堂希賢軒尚志軒通志

戶部尚書蕭鑑記 李氏信之弋陽大族其居今之九川里蓋久而書院之建則造意於前乳源大尹文儀未就而卒宣德丁未其從弟文彬甫始作屋于所居之南教宗姻子弟其中而重修之者今致仕大理少卿奎文曜也大理君以舊創湫隘不足廣其容乃與文彬甫謀而大之前為門門之中為臺臺之後為堂曰育英而軒其兩旁曰希賢曰尚志軒之外各鑿其隙地為池東池則構亭其上以遊憩曰鷗波西池則甃石其涯為滌硯之所曰墨池練以崇垣樹以佳木特扁其門曰九川書院經始于景泰癸酉之秋而落成于甲戌六月之望至是命其子玘請記于余天下之事為之固貴于得其人尤貴于適其時也不得

其人則事有不成得其人不適其時雖欲為之有不可得已我國家稽古為治學校之設自京師達於郡邑雖荒邊僻境靡不有之而家塾之制則聽民自便當此時為之者蓋寡獨李氏昆弟克重其事文彬甫作于前大理君修于後而所謂九川書院隱然著稱鄉邑間豈非得其人而又適其時歟初文彬甫作書院子弟讀書幾三十年若玘若玘若玘若玘皆由科目以進玘任監察御史日良進士試事吏部玘需次成均其他若琪若春輩志進取者尤不少今大理君又更新之如是繼是而行其奮發興起者可勝道哉雖然大理君昆季所以拳拳於是者非徒為子弟于世取利祿之階而已其意蓋欲取古人所以為教之節目次第使凡游息于是者相與講而循習之以成其德器由是出而仕者思所以盡忠立節於時處而隱者思所以秉道植義于已則一人之行修可以形之于一家一家之行修可以形之于一鄉一邑無遠近而人材成風俗美豈獨為李氏盛其于聖世學校之助豈小補哉文彬甫予不及識之而嘗獲交于大理

君蓋端厚君子人也其子玘又余所愛重者故因其請特著予所聞以爲記俾玘持歸刻焉

潭石書院御史黃溥家塾明正統間建有聚星映雪二軒又有泉池上作育德亭御史劉儁記

弋江義學康熙五十六年知縣呂文櫻立經學設於謝文節公祠前蒙學隨其聚落處設之分請名師教授生徒政務就閒親造提命四年如一日初捐銀二百五十兩置義庄田二百一十畝歲收穀二百一十石爲束脩膏火費并鄉試卷貲後學舍漸頽名存實亡猶幸得以識之而可復焉

葛溪書院知縣陳元麟於乾隆十一年以皇華亭故址及店房之燬於火者構堂室兩箱顏曰葛溪書院又以前令呂文櫻所置義學田分撥經蒙兩館書院爲經館鄉試卷貲悉仍舊式至乾隆四十六年二月邑紳士以書院近市囂塵且基址狹隘稟請知縣顏文楷移建東門有高廟一所地當勝處僧人家寥落自願改爲書院院後有丁姓山地廩生周文銘捐田一十二畝有奇歲收穀二十石貢生翁振春捐中墾田五畝五分租七石七斗五升爲諸生膏

火書院祠額仍舊其故書院繪僧楮僅乾隆四十八年首
事陳疇賡披筆以公費存餘銀贖買五十六都三堡四堡
五堡田共計四十畝五分五毫歲收租五十石歸入書院
又買舊田七畝收租七十石五分毫歲收租七十石

社學

- 一西隅去縣治半里
- 一橫峰去縣治東三十里今為興安學

考棚

乾隆三十九年知縣吳興宗同閩邑紳士捐建於縣西之

城隍廟東

弋陽縣志

卷六

武備

營制

汛守

糧餉

阨塞

兵事

寓內邑志類於兵防闕如地故彊丸又不繫省會扼
要從而畧之宜也乃弋陽志紀述前代兵事於耿逆
之變尤爲深切著明何哉小雅鴻鴈之什痛哭流涕
使人不堪卒讀而論者以爲美宣王中興之作蓋勞
來安集之餘驚魂未定痛定思痛未可坐以宣驕且
不極陳其疾苦則上之人所以起塗炭而衽席之者
其恩德亦不著故小雅之體近於風而善爲頌與史

臣之鋪張揚厲者不可同年語也

國家重熙累洽生民不見兵革者百有餘年矣然

聖天子憂盛危明之心未嘗一日弛也申畫郊圻慎固封

守尙其鑒前事而悚然哉

營制

國朝順治十一年設把總一員帶兵五十名防守隸廣信營康熙十九年提督許撥委右營左廳千總嚴楚臣領兵一百五十名貼防弋城二十一年奉裁調回省城現在撥外委千總一員防兵四十三名乾隆十年九月知縣陳元麟建防署於縣治東洋坑橋 演武場離城二里在五十六都桃源山

按明嘉靖前原設民兵四百三十名隆慶六年巡撫徐定編精兵一百二十四名作二班輪流操演守護常兵八十三名聽差後裁去精兵五十四名止存七十名改名壕兵又裁去常兵三十四名止存五丁名改名民壯

汛守

水陸塘汛共九處大橋汛漆工鎮汛黃沙港水塘舒家港

箬埠水塘馮家埠水塘連湖陸塘
汎共九分設防兵如舊額

糧餉

弋陽營額徵兵米三百八十九石二斗八升八合一勺坐

縣支放兵丁領食

阨塞

巴河坑隘

縣西一百里距大橋二十里許與饒之樂平萬年犬牙相錯山徑險隘可守乾隆三十一年匪

竊汪福保等屯聚抗法知府李英同叅將擒獲伏誅今移設縣丞汎兵驛防大橋

蓮塘寨

縣西八十里拔起高峻從山陰仄徑迂曲而上至巔得平地八九畝中有蓮池澄澈向北聯沙坡嶺

楊梅尖土人

避兵之所

軍陽山

縣南三十里方輿志云昔有將屯兵於山陽故名

仙人寨

縣南四十里有峯壁立形如層城其南面小徑濶僅二尺許名曰鷺頂緣梯而登至絕頂得平地約

十畝餘鄉人謂在時避兵惟此地獨全

花石寨

縣南四十里怪石離奇形如花瓣故各巔頂平坦長數十丈廣數丈昔人避兵於此至今形跡猶存

武家寨

縣南四十里上達閩浙下接徽饒其山綿亘數里從大塢源攀藤附葛而上山頂寬平約數畝許有

泉可飲相傳昔人避兵處

兵事

宋

宣和三年貴溪盜起犯弋陽太學正陳康伯率義丁擊其渠魁邑賴以全前志

紹興元年辛亥秋七月後軍將胡江等叛破玉山弋陽永豐三縣遣樞密院準備將領徐文討之宋史

元

至正十二年陳友諒部將陷饒州剽掠弋陽邑里為墟前志

明

正德五年姚源盜犯弋陽始作關廂前志

費宏與巡撫任宗海書江西之事弊也極矣所以屬望於執事者久矣簡擢之命既下縉紳交賀以為

得人而吾鄉人士喜溢眉宇列郡之民自是其有更生之樂乎聞姚源逋寇至德興者皆願聽撫於執事
中孚之感可及豚魚蓋不誣也但鄉人來者謂弋陽境內尚有餘孽數千亦是姚源流出豈撫之猶未盡乎抑延蔓難圖也執事必思所以處之而不致其滋蔓矣竊意其中有名首惡不過數人其餘悉出脅誘未必無自新之意第曉之或未詳明當時所降黃榜旨意亦坐不知首惡主名未及指出今宜指數其尤惡者數人明白曉告惟此數人不赦其餘一無所問或此數人能自相擒斬以獻并赦其罪則彼欲驅民以張勢與助盜以為奸者其心必相疑其黨必自散此兵家伐謀伐交之策且於誅惡之義宥過之仁兩無所失不知以為何如也初河北羣盜不下十數萬前旨既下解散者七八萬而劉六劉七齊彥名及劉三趙風子輩始孤弱潰遞而南矣亦惟此數萬人多出於脅誘而非欲死於鋒鏑之下也好生惡死人心同然江西之民豈獨甘就死地乎在為民牧者有惻隱慈愛之實而明示以可生之路耳傳者又謂狼兵

武備 兵事

未至賊惴惴有必死之憂以為其鋒不可敵也及狼
兵既至與之交通縱其奔逸則其勢益橫畧無忌憚
蓋往時流劫不過一二百里猶未敢離其巢寨今則
至德興至弋陽又至上饒駸駸至徽衢界上且有由
鉛山而入福建之舉是猶病寒之症傳經不已而且
為流注非有仁心仁術如執事者其孰能救之聞狼
兵半已攬歸民固不堪其毒而深幸其歸也然賊未
盡除兵不可罷而本地守禦之兵及僉充機快皆不
足恃故論者欲所在大家團結丁壯自相保障從前
巡撫勅中皆載之如近日何溪都等處亦以一二大
姓當賊要衝能合力遏之而使之不敢遠出此鄉兵
可用之明驗也愚意謂今之機兵雖不足用若能均
其役而更其法則固可轉而為精壯之兵也蓋舊日
是役僅憑該縣官吏里老開報僉充類多私弊或人
丁事產無大相遠而有與有不與甚者放富差貧往
往有不均之歎且村落之民未能去農畝而羈縻於
官府富室之子未能脫履屐而甘列於戎行則必出
銀若穀募市井遊手之徒以冒名代役平時不過用

以追呼迎送而近乃以之拒賊正所謂驅市人而戰
徒足以損我之威張賊之膽而豈有毫釐之益哉今
欲均其役而更其法者何也大約機兵一名每歲顧
募須銀二十兩假令縣額機兵二百名則歲費四千
兩而此四千兩者宜令該縣有田之家通融均出若
有田四萬畝畝出銀一分足矣况大縣之田未必止
於四萬畝則其所出至微而易辦也如此庶勞逸均
平而人無怨者乃以其銀募可為兵者充之或募富
家佃僕私習擊刺者或募捕獵人戶力扼虎而材命
中者或募今日聽撫惡少之革心者審其年籍於有
司各足原定機兵之額擇大家父老素有鄉曲之譽
而其才又足以馭眾志又在於立功者統之縣各一
人或三人每月率其所統一再赴縣中聽掌印官比
較武藝大畧如操練之法視其生熟嚴行賞罰必求
實用不得徒為具文一鄉有警其防禦追捕皆責成
於此二三人有功則賞或功多則與奏請官職如近
日江西聽撫賊首何積玉及四川領兵吏何定事例
若鄰邑鄰郡有警量賊之多少及事之緩急隨便調

武備 兵事

發互相應援而其簡閱稽考又一屬於兵備憲臣此
法既定三數年間縣縣各有任戰之兵盜知有備必
不敢發即發亦可撲滅自不能滋蔓矣兵未易言事
未易集而區區亦非好爲是曉曉賈憎媒怨也同室
之鬪剝牀之災頗切念慮不能棄置且幸執事之英
明果決能采而行之故敢以是而瀆告焉若夫斟酌
損益務使合於人情中於事機者則
高明自有權度而非愚所敢臆斷也

七年壬申姚源賊殷勇十洪瑞七等構亂猖獗陳金受命
總制募鄉兵得五六萬人分守要害僉事高賓軍貴溪賊
因兵懈乘夜遁去吳廷舉以安仁民兵及目兵追及弋陽
日兵所在攘掠居民遮訴俱不省通志

止德二年餘千知縣潘泰橫苛激民余乾七王浩八等聚

眾姚源作亂流劫弋陽興安前志

嘉靖三十九年倭寇毛海峯犯閩廣有叛兵自閩取道於

弋陽弋始築邑城前志

嘉靖四十年辛酉秋七月流賊袁三卽袁鳳等破玉山順流

而下掌貴溪縣事推官姚篋張軍備禦賊懼不敢入境十

月閩廣流賊從火燒嶺突入邑南岡湖山卽江澗山焚掠一月

守道楊守魯以兵逐之至弋陽爲叅將戚繼光所殲上饒志

玉山志云袁三等作亂劫庫縱囚焚燒廬舍殺掠數
千人城市一空邑令李廷纘負印入民家賊甚猖獗
會土兵突至遇賊野戰斬一賊首一騎賊懼奔永豐
掠鉛山人閩與海寇合先是吳楚有倭寇總督胡宗

憲檄募廣兵鳳等數百人亦在募中既而倭寇平令鳳等各歸籍鳳心怨望無裒糧又縣次給食不敷久懷逆謀歸至南昌復東投督府不用鳳等又至常山欲反縣令厚遣之遂至玉山索如常山例令弗與鳳乘無備遂大舉是年秋七月十四夜也

崇正十四年夏六月徽婺流寇數千竄入弋陽西鄉其地界連德興樂平萬年貴溪不軌饑民間風四集盤踞茅源武源益源福源瓦屑坪栗樹培平頭山雲蓋山諸處連寨數百里四出剽掠莫敢誰何撫按檄各路會勦知縣王萬祚悉謝却之條上十事以平賊自任諜知賊巢乏食仰給於三山街奸民為之轉運嚴禁絕之多備火器聯絡鄉勇

分布要害斷其侵軼之路又飛檄賊中許其自拔來歸貸以不死降者日至萬祚知賊已困七月十一日親率精兵及各都鄉勇馳擊賊壘會賊出掠四十九都遇之黃沙嶺賊倉皇迎鬪萬祚麾兵直前鄉勇洪龍刺死渠魁一人奪其令字旗賊遂披靡追殺之幾盡明日進勦茅源各塢焚其營帳餘賊竄散巢穴悉平

前志

羅萬藻王侯勦賊紀功碑 辛巳冬余有武林之行

道信州讀弋侯勦賊紀畧歎焉國家二十年以來秦

晉之寇幾半天下屠城馘師餘十年尙逆天誅自秦

漢至今未數見矣顧當其始一州縣之任耳何也寇

本吾民也所以用民者三轉寇於民一也辨民於寇

一也以寇付民一也二者皆有司之事故曰一州縣

武備 兵事

之任今弋之大爲方百里以侯之才口哺而手摩之
有餘力顧所稱茅益諸源徑樂平萬年德興貴溪四
縣而僻多不控之地諸賊藪而弋都其中焉侯曰此
不足定也手條十款揚之九者皆施於民其一論流
賊亦猶於民也志意既定張皇誓師遂以請回營哨
之兵帥先材官鄉勇望風鵬勦賊號數千寨連百里
一朝而平噫功亦奇矣余繹其措置有宜特者有宜
并而分者如安百姓此宜特也論流賊以拔民於賊
中解散之道宜別於安百姓也此轉寇於民之事也
練鄉兵足矣受之以聯犄角今日之戰未聞江黃八
國之師春秋惡次而善救宜申之以此也偵探於今
不得其影響之力故宜特也通盜與搬運本二以搬
運爲通盜通盜之外所不虞而患甚通盜此繼事之
詞也嚴城守特也好細不詰有城而無城有守而無
守亦繼事之詞也終之以懸賞罰今之用兵非無賞
罰也懸之而必信信之而必當此未盡之詞矣而格
不可不懸也此兵要也數者皆辨民於寇以寇付民
之事也余不難王君一月之間平數千之寇爲奇功

獨於其措置詳畧爲辨賊之道故謹序之
志州縣之任之重而始終用意於吾民也

國朝

順治五年戊子金王二逆叛據省城弋地不軌之徒嘯聚

相應士民受殘害者甚衆貴溪盜楊厚林突入縣治據之

一月知縣李長青勞病卒於西潭六月信鎮康時昇獲厚

林斬之弋境漸平

前志

康熙十三年甲寅三月十七日閩中變起知縣陶耀聞之

請調饒營兵疾赴鉛山先據崇安關以遏其出犯之路久

不至四月二十三日廣營參將柯昇叛移營永豐之鐵山

自入閩受僞都督導寇出五月初六日饒營守備汪某奉調至弋陽聞廣營已變引兵急趨之至快活嶺遇柯逆別部戰敗走回營於弋西之軍營坂於是不軌之徒相繼而起廣信知府高夢說無兵不能拒十一月與同知侯七乘赴弋陽賊衆尾至弋民竄徙一空夢說遂偕陶令赴省請兵二十二日汪守備亦走貴溪把總張名揚者故在柯逆標時雖委防弋陽而家猶在郡柯逆既叛拘名揚之子麀及其家屬以爲質脅之名揚遂受僞游擊二十九日率賊兵入弋陽六月閩逆遣僞都督羅其熊僞威武將軍燕恩僞參軍申繼祖僞游擊姚文德張森及林振東李蓬頭之屬先後至弋衆數萬人麟屯四郊江省總兵聞變遣其子趙某將兵圖恢復方抵貴溪而姚羅諸寇已至趙某遂與貴溪城守楊名饒營守備汪某共擊之小捷殺賊數百人已而賊大至趙某死戰楊名汪某率餘兵退貴溪遂陷而饒營副將程鳳又叛七月諸賊以饒信地不足慮遂分遣林振東據東鄉李蓬頭據安仁餘寇進至樂平分爲二道羅其熊率姚葉等由婺源走休寧申繼祖率張森等自浮梁趨祁門張名揚從焉刻期共會於徽州襲據其城入

武備

月僞令周應召自閩至弋九月巴額二將軍從江南出師
大破賊兵復徽州諸賊戰敗退回樂平張名揚返弋營於
西鄉之塔岡先是附逆傾劄者甚衆已而戰敗紛紛逃匿
耿逆聞之謂烏合之衆易潰不可用遣僞宣納司馮某僞
都尉吳某率精兵二千助戰且令徧詣諸賊營汰除冗卒
散遣之又遣僞分守湖東道金興國及其弟僞將金鎮國
至弋令推捕敗逃之員將治以法興國至惟借以索賄賄
入卽免弋城無賊兵僞令周應召以大寇在樂平供運砲
械日役數百人民甚苦之

前志

十四年乙卯三月耿逆遣僞兵曹蔣得輅僞將軍徐某將
兵三千至弋營於東關令僞將金鎮國等營於西關立法

訓練爲再舉入寇計

得輅絳嶙金嶙貴佛甚其教士用古陣圖縱百姓聚觀有同劇戲識者笑

之巴額二將軍息兵徽州已久羣賊意懈至是進收浮梁
五月二十六日自浮梁趨樂平羣賊倉皇逆戰於石頭街
大敗退回弋陽二十七日二將軍乘勝走間道直抵篠箬
埠夜拔營出花亭僻徑潛師壓賊壘二十九日黎明西關
賊將金羅姚張等率衆八九萬前溝大軍大軍小却斂兵
退而柯逆又自府來援二將軍諜知之復潛師東行繞出
其後反擊之於晚港柯逆大敗走回廣信二將軍取其旗
直趨蔣營蔣以爲柯逆棄援也之不之備旣而飛砲入營中
乃知爲大兵倉皇燒營走時方大水賊兵自相蹂躪及溺
死者數萬人僞吳都尉僞馮宣納死於水金鎮國死於陣
蔣得輅策馬亂流適遇浮木憑之以濟與羅姚諸賊走入
閩閩五月初三日巴額二將軍進取府城柯昇遁僞左將

武備 兵事

執而斬之當是時鉛永皆賊壘而衢州之九龍山又屯重
寇出沒江山草坪間二將軍以孤軍據一府力抗東南兩
面之賊不能西顧賊當大創之後亦不敢居城郭興弋以
西肅無人弋村民慕義者齋牛酒輸糗糧以申誠款七月
知縣薛岩起至弋無民無署寄居府城時弋經百戰暴骨
滿野自五月後溪水腥穢不可食僧雪嵐竭數月之力收
而聚之天帥墳前雜亂不可以驅計數其骸骨得一萬三
千二百餘七月十五日爲作佛事而焚之分埋義塚先是
僞敕遠將軍朱銃錫嘯聚貴溪之詹源以洪山爲巢穴八
月據貴溪九月初三夜遣僞都督徐達榮乘虛突入弋城
焚燒縣堂及諸官署民居俱盡時銃錫屯南鄉張名揚屯
北鄉銃錫迫民爲兵不從者輒殺之又勒其助餉張名揚
差不妄殺北鄉之民避
難者尙多全活前志

十五年丙辰三月初一日巴額二將軍兵赴省府城空虛
復爲僞襄武將軍所據而張名揚亦入弋陽蔣賊敗遁之

日僞令周應召走鉛山至是復來朱銃錫亦欲據城而爲

名揚所先憤甚糾合僞都尉白顯忠留屯三日周應召曲

諭之乃解去時閩逆以徽饒事屬白顯忠令張名揚聽其

節制顯忠召名揚至德興將再出見閩中逆勢已絀遂不

果六月名揚棄顯忠歸弋留屯兩月以城中糧盡就食北

鄉屯於石礮十月病死其部下猶萬餘人共推名揚之弟

日臚日臚日能從我歸正則可衆許諾日臚乃領之是時

康親王率大兵已入閩關閩浙督李公之芳發兵收復玉

山段總兵亦自浙來收廣信廣營中軍楊名故與日臚善

數言之於總督總督令千總王德功持薛令書以招之十
二月日驢攜其兄偽總兵印并率其兄子廖悉眾投誠前志

十七年戊午正月張磨願立功自効率兵至鉛山港東會

中軍楊名及浙閩大兵擊敗朱銃錮銃遁走中澚山二

月薛令至弋百姓迎之而高守亦歸泣廣信時閩氛漸息

而朱銃錮猶據章源四出剽掠三月總兵許總兵蔡先後

至弋分營南北又設防於舒家港西羅橋諸處後許總奉

調往府而江機楊一豹聚屯洪山其勢甚盛總督董公親

至鉛山留駐兩月二逆勢窮竄走入閩十月總督再駐貴

溪經理章源餘孽朱銃錮亦走入閩由是弋民漸有寧宇

前志

十八年己未江揚在閩投誠朱銃錮為巡撫吳公所擒餘

黨潰散弋地盡平

五十九年庚子鉛山異民吳兼山等潛謀不軌邑民驚竄

同知朱師濂旋撲滅之貴溪志

鉛山志云知縣王作朋集紳士總練捕獲與此互異

縣志云...

...

...

...

...

...

...

戈陽縣志 卷七

秩官

國家建官分職各有專司士人乘時得位亦欲少效其尺寸安能怲怲覩覩不得一施展乎雖當官行政自有法度然盡其在我利害何計焉若凜凜然重護是官不敢一措手是豈設官之意哉

唐

設縣令一人縣丞主簿各一人尉二人經學博士并助教一人各氏今無可考

宋

設知縣一員縣丞主簿各一員東尉西尉各一員

外縣

縣丞

主簿

尉

秩官

紹興劉伯成

劉錫

陸溥

績溪人

按通志有梅堯臣送劉成伯赴弋陽字詩而府縣志俱作劉伯成

董敦逸

費永

鉛山舉人淳熙間任考鉛志

有傳

江公榮

福建人致仕後家於東鄉整上

謝通靈

會稽人致仕後家於弋文節公嫡祖

汪綱

理宗時累官戶部侍郎有傳

柴景望

按真西山奏議薦湖東路知縣有成績者十人柴景望程榆其二也其狀景望曰學校舊人雅有士譽強毅自立卓犖不羣

秩官

虞太中

崇安人字士朋

乾道五年進士

按前志秩官失

載虞太中於各

官傳則以為弋

陽縣尉於雜記

又以為弋陽縣

知縣前志舛錯

洪光基

歙縣人以忠宣

蔭弋陽知縣子

孫世居焉

魏之行

樂平人以進士

為善化丞乞治

劇自效遷宰弋

陽以張浚薦知

滁州並有能聲

改京西曹言事

忤時相謫官復

起知吉州治最

除戶部郎中復

進屯田十二策

擢直敷文閣淮

南運副領營田

事

元 置達魯花赤縣尹各一員縣丞主簿典史

縣尉各一員儒學教諭一員姓名俱無考

明 置知縣一員縣丞主簿典史各一員儒學教諭一員訓導二員

秩官

知縣 縣丞 主簿 典史 教諭 訓導

洪武劉琢

祀名宦有傳

牟允中

張迪

由御史左遷有傳

永樂劉冕杜琰

滑昶會觀

太倉人前志據萬姓

譜補

甫經

驗陽人前志據萬姓

譜補

宣德王尙瑁

山陰人有傳

正統徐晉

句容進士有傳

程廣

黃訓 俞忠

周天錫

胡忠

任智

沈德新

寧海人

奚成玉

鉛山貢生

葉儒林

海寧進士有傳

張康

沙縣舉人

李陽

黃巖舉人合傳

楊清 吳志

秩官

程志學

歙縣舉
人有傳

景江智

會王

黃晏

李騏

福建進士

合傳前志

騏作曠今

昭府志改

天吳 滄瑛 衡

增城進士
合傳 王敏

吳彰

前志據黃

氏譜補

成李庭芝 虞賜

宜興人 蕭覲

蘇仁傑 前志作蕭愷

陸瑄 王玉

林璞

方定

陳正

常塗人

趙智

前志據黃氏譜補

藥溥 王瑄

林大雅

莆田人

金山

陸鑾

安東人

任智

陳璜

林時厚

康濬

宋澍

林瑄

莆田 歲貢

鄭主

晏璽

巴陵歲貢

傅智

盧怡

秩官

鄧宗潤
廣東舉人

鄧演

宏治吳璣柯秀
仁和進士前志作何

戴初彭福

建平人前巴陵人前志佚

余瑤張昱

江夏恩貢

馮玉
劉璣

姜本祿
巴陵人

馮幼愚
李完

莆田舉人東莞歲貢
前志作洪幼遇

朱泰
侯官歲貢

莆田舉人
趙珙

金冕
清流舉人

王浩
奉化舉人

正德藥良袁亨
麗水進士江浦監生

杜汝舟
汪濂

方琛
劉瑩

有傳
蔡源人

張文适
鄒震

何允元
黃文璫

古田人
祥符監生

杜綱
六合歲貢

常熟歲貢

鄭棕
莆田舉人

耿光
京口歲貢

秩官

六

楊珣 黃瑞 施誥
羅源人 餘姚人 無錫歲貢

胡偉 含山人

黃濂 莆田人

吳龍 吳縣進士

楊翹 江寧進士

嘉倪 鶚季 震 稽 澗 鍾 瓚 莫自賢 顧堅
涇縣進士 通州監生 前志入正 陳坤 聞仕隆 馬平舉人 字天岸 貴州舉人 歷官御史 參議 有傳

夏銓 德 馮賢 前志作聞 人望 陸宗俊 錢塘舉人 區敬

蕭尙賢 陳鉞 孟鍾 張嵩 番禺歲貢

孫九衢 董溪 戴錦 福州舉人 陳祚

尤鑾 曾禮 徐惠 涂勳 同安歲貢

季本 趙坤 潘詔 歐陽權 漳平衛舉人 陳肅

會稽進士 楊廷柵 前志作潘 趙英 秩官 七

鄭天鵬 前志作 區禮 王鳳 劉稅 臨桂歲貢

諸暨舉人 楠 王珊 許漢賓 揚州人 海寧歲貢 福應壁 仁和歲貢

黃齊賢 陳策 揚州人 杜德孚 嶺縣舉人 黃懷恩

餘姚進士 鄒瑩 沈東 程鄉恩貢 黃懷恩

有傳 祝繼倫 章炳 華亭歲貢 穆旺

海寧舉人 福建監生 合傳 閩縣舉人

儲滇 英德舉人 林鏗

秦州歲貢 虞漢 莆田歲貢

藍濟卿 建德舉人 劉淮

侯官進士 李中 奉化歲貢

屠仲律 閩縣舉人 滕節

嘉興進士 有傳 蔣士觀 江浦歲貢

徐浦 全州舉人 李世賢

浦城進士 有傳 韓詩 蘄州歲貢

俞文進 吳縣舉人 金鼎

婺源舉人 房縣歲貢

陳仕

黃岡舉人 有傳

秩官

鄧球 祁門進士

居守

字省心海

寧人嘉靖

乙丑進士

授弋陽令

調貴溪陞

大名府同

知歷撫州

知府陝西

行苑馬寺

隆慶

黃夢韓 江源汎

王祚

鄭一夔

黃夢韓

呂琪

莆田進士 黔陽監生 宜興監生 嶽縣人

前志韓作

璋按黃為

莆田舉人

任教諭前宜平歲貢 戎縣歲貢

志於知縣

名下小註

進士想先

為舉人後

因中式進

士而坐陞

本縣縣令

云

俞欵 李武 謝信

莆田舉人 江山歲貢 陞本縣知縣 何祖述

陳謔 益陽歲貢

崇明選貢 謝誥

秀水恩貢

朱儀

太倉歲貢

王廷俞

青陽人

秩官

黃壁
大補歲貢

漆汝器
巴陵歲貢

向詔 王萃

宜都歲貢 湘潭歲貢

汪 焜 袁友德

開化舉人 星子拔貢

黃金燦 王容

楊大章

翟思齊

涇縣人

陳大元

巴陵人

丁景芳

杭州吏員

劉本賢

柳州恩貢

方汾

萬 沈一琪 張文政

當塗舉人 黃岡監生 前志琪作前志政作

洪 正

程有守 宋 稽

歙縣人字餘姚監生

溪湖萬煜

甲戌進士 楊煥元

授弋陽令 零陵監生

州府同知 劉 覲

府知府按 順義歲貢

謝公祠修 史 述

修邑志多 象山監生

入名宦而 王嘉德

前志不為 立傳今附 歙縣歲貢

志於此 柳鳳梧 俞顯謨

桐城監生

邵於詩

仁和監生

孫廷勳

井陘監生

吳思賢

莆田知印

施 禮

嘉興監生

孫一儁

靖江人

史 梅

丹徒人

何應春

宜都人

梅大祿

高明人

朱元孝

漳州歲貢 桐廬歲貢

趙穎昌 董軫甫

新建歲貢 辰州衛歲貢

曠毓本 周 賁

廬陵歲貢 寧州歲貢

宋 暹 王大綸

臨桂歲貢 閩縣歲貢

林廷昇 龍性之

淮安選貢 泰和選貢

秩官

建德舉人上海歲貢

鍾維藩 徐季甲

番禺舉人山陰吏員

呂應詔

鍾祥舉人

楊鳳鳴

山西舉人

馬應龍

陝西舉人

王汝進

山陰吏員

鮑承基

金壇吏員

章大紳

歸安監生

烏程人

蔡輔寵

海成人

胡繼武

宣城人

朱明意

永安人

周桂

新城歲貢常山歲貢
陞教授

鄧泉清

全州舉人 綏寧選貢
陞台州通判

判前志泉

胡裘

泰和舉人 縣

詹份

陳宗實

劉一陽

泰和歲貢
陞惠安知

劉孔祿

安陸舉人 進賢歲貢

龔良策

吳鉞

密雲歲貢

梁一元

汶上舉人

李徵儀

廣德州人


字涵初萬

歷辛丑進

士初授弋

陽令調清

江陞工部



夏承堯

分宜歲貢

史言

桃源歲貢

樊來聘

進賢舉人

陞陝州知

州

胥學韶

南昌舉人

陞縉雲知

戴經憲

吳龍衢

陞壽昌教

李春輝

廣昌歲貢

李文宰

南豐歲貢

許臬

新城歲貢

陞縉雲知

秩官

縣

史歷任四
川巡按長
廬巡鹽北
直督學

胡士相

平湖進士
有傳

羅為黼

雲南舉人

泰昌楊襲

山西舉人

天啓孫森郎九齡

謝廷璋

劉之佐

曾彥

董簫

車任重

沙縣歲貢

常熟舉人
陞泉州知府

遂安歲貢

金壇監生
前志作廷

懷寧人

泰和歲貢
陞建昌府

成都人

府

冀乾行

章

金棟

教授

吳淑

劉煥發

湯溪監生

唐謙

會稽人

葉景先

都昌歲貢

常德恩貢

含山歲貢

章有思

會稽人

餘干舉人
陞亳州知

舒國宗

許兆金

州以勦賊
全城功陞

武寧人

餘姚歲貢
前志入崇

汀州知府
有傳

正

崇正張大受

丁大綱

李國輔

黃鉞

郭立衡

蘇州舉人

山陰監生

豐城人

瑞州歲貢

萬安歲貢

秩官

齊蘭芳

成都舉人

王萬祚

會稽人由保舉行取御史有傳

馬騶

慶雲選貢山陰人

徐光祖

吳天美

王謨

林之正

福清監生上虞人

袁文燾

潘夢斗

侯大勳

李錦春

新寧歲貢靈川人前新建舉人

秦梁棟

梁士龍

黃汝鐘

張允明

仁和吏員仁和人

張文燝

陞教授

胡文豹

胡璉

李守傑

邢嘉言

錢塘吏員鄖陽人

姚安歲貢

梅嘉實

宣城監生建德人

雷時行

崔德新

按前志王珊之後有徐主簿一人佚其名

附驛丞

王奇望

南昌人

苗蕃

雲南歲貢

潘相

劉任重

上元人

鄭顯祖

丁景蓮

九江歲貢

秋官

將樂人

曹士鑑

清溪人

黃應元

江夏人

戴九重

祁門人

張瑄

蕭山人

單期達

山陰人

國朝

設立知縣一員教諭訓導典史各一員裁主簿一員至順治十七年復設縣丞裁教諭一員康熙間復設

按廣豐前志乾隆六年九月初一日布政使司阿奉署撫

都院包批本司詳教官會祭班次及公所坐次一案嗣後

公所會祭教職入於七班行禮其把總外委應令與巡檢

典史齊班并飭各屬在於公所刊立木榜永遠遵奉至

公所坐次千總與縣丞對坐把總與巡檢典史對坐外委

把總應坐巡檢典史之下教職坐於縣丞之上並即移行

一體遵照乾隆七年二月二十五日巡撫都院陳准禮部

咨開儀制司案呈准江西巡撫陳咨稱查品級考載布政

司經歷理問均係從六品按察司經歷係正七品又官員

相見儀注內開兩司首領等官與府廳縣相見用名帖行

賓主禮文移府廳用關文兩司首領等官用牒呈與廳及

州縣用關文等語則兩司首領及府教授均應與縣同班

秩官

而教諭訓導雖有正從之分但均係八品與府經歷縣丞等官同班似屬妥協查官員慶賀行禮應列班聯會典俱一一詳明惟布按兩司首領以及教職等官會典未經列入應不各按品級分列班聯行禮之處相應咨達貴部請煩查照示覆飭遵等因查會典內載康熙二十二年題准直省行慶賀禮將軍總督加將軍銜提督為一班副都統巡撫提督加左右都督銜總兵官為二班加都督同知以下總兵官協領參領巡鹽御史織造郎中督關郎中布政使按察使為三班佐領督關員外郎各道員副將參將掌印都司為四班防禦督關主事知府同知通判遊擊都司為五班驍騎校知州知縣守備為六班有品級筆帖式有品級庫使經歷州判縣丞千總等官為七班等語今該撫稱兩司首領以及教職等官會典未經開明應否各按品級分列班聯行禮等語查兩司首領品級雖屬從六正七但非州縣正印官可比應敘入六班在州縣之次教諭訓導雖八品而職司教士體統應少為分別應與教授亦敘入六班在兩司首領之次行禮相應咨覆遵照可也六年藩司所議教官雖敘入七班而坐次却上於縣丞至七年

照覆且序入六班矣班既在州縣之次表自應次知縣而上於縣丞今為校正如左

知縣

教諭

訓導

縣丞

典史

雜職

順治張秉文熊曰偉

秦駿

王廷獻

成文義

張國斌

曹縣生員進賢舉人

湖口歲貢完平歲貢天台人

富平人

山賊衝縣死之

陞清江教諭有傳

江樾

周士龍

張雲義

李長青

朱康侯

崇陽歲貢黃岡人

鳳翔人陞大同巡檢

字玉清榆

瑞金歲貢

凌元標

杜進士戊

陞象山縣丞

子死於寇

承

寶坻人

杜良祚

秩官

沙河進士
有傳

劉臨孫

景陵進士

有傳

康陶 燿

有傳

秀水拔貢復設

薛巖起

大城蔭生

張龍如

大興舉人

三年缺裁

二十二年

邊承安

韓國球

路邁

支本棟

彭珣生

廬陵人陞

知縣前志

黃彥博

韓國球

高陽舉人

黃珩

信豐歲貢

鍾雯

分宜歲貢

王應魁

鍾彞

謝懋縉

筆帖式

韓世登

甄鏗

陸永年

德清吏員

通州人

北直吏員

譚瑄

西平舉人

有傳

顧丁璪

長洲進士

趙灝

蒲城進士

王度

高郵舉人

林昂

金谿選貢

章雨化

餘干歲貢

胡世琦

萬年歲貢

李喬

石城歲貢

李松齡

崇義歲貢

上猶

王元吉

天例監

佛保

筆山人

周達

山陰籍

呂僎

蔡恒泰

宋起元

直隸吏員

劉德隆

山東人

蔡玫

直隸人

呂僎

蔡恒泰

王瑞霖

分水人

趙經邦

山東人

蔡玫

直隸人

呂僎

蔡恒泰

山東人

秩官

廣東舉人
前志作福
建

劉翰徵

貴州舉人
有傳

何拔

四川舉人

呂文櫻

山西進士
有傳

劉學坦

湖廣舉人

雍正張世顯熊文芳

劉廷瓚

金玉函

徐洪

蘇州監生高安副榜永新歲貢蘇州監生紹興人

吳夢澗

吳翰

河南舉人
有傳

宛平歲貢

洪立進

歙縣進士

趙憲清

雲南舉人

查前志虞
熙間有驛
丞一人姓
蕭而不載
其名附志
於此

秋官

七

周延壽

陝西舉人

孫龍竹

陝西進士

乾 敖毓黃 劉發純

童時雨

安義象

彭楠

四川舉人

高安選拔 鄱陽歲貢

楊福

直隸人

陳莫纓

黃文澍

謝卜年

貴州監生

樊宏仁

石屏州進士

有傳

號石哇信 永寧歲貢

劉照

縉興人

高尙禮

程應璜

李文珩

字公普貴州恩貢

羅承業

山西舉人

星子貢 吉水歲貢

李晉齡

大興吏員

盧生蓮

月任

十六年十一月二十六日

莆田監生

月任

陝西進士

姚架

嚴宗寬

月任

王勝榮

劉景修

號木菴南分宜歲貢 城副榜二三十年三

吳協

秀水吏員 二十一年

雲南舉人

十三年六月任 月任後陞

大谷監生

四月任

陳元麟

九江府教授 邊祚洋

月任

朱偉毅

字朗文紹 與辟薦入

年任

何楠

峽江舉人 三十六年

董長齡

涿州監生 捐州吏目

邊元厚

廣昌舉人 四月到現 四十二年任 九月到現

字子壽 二河副榜 二十三年任

任 錕

秩官

任邱舉人
十五年八月任

富泰

正紅旗人
十九年任

傳有

臧應桐

正紅旗舉人
十九年任

劉垣

號梧川諸
舉人二十

十二年八月任按劉

令之後有署縣李慶

璉事詳名宦傳特以

署縣例不人表附見

於此

顧雲濤

元和人二十八年任

徐士縉

王燮

新建舉人南昌歲貢
四十九年四十九年任

黃上傑

傳

管丹鶴

大興監生
捐州吏目
三十年正月任

新興州監生原任上

李宗瀚

高縣縣丞嘉應州吏
改調弋陽員三十年
縣三十六閏二月任
年四月任

江繩

朱德謙

桐城廩貢宛平吏員
原任安福捐州吏目
縣縣丞改三十五年
調弋陽縣五月任
四十一年
五月任
吳鳳齡

黃廷杰

大興吏員
三十五年

宛平監生
原任泰和

縣縣丞改
調弋陽縣

蔣厚培

四十四年吳縣監生
九月到現捐府經歷

四十二年
九月任

任

吳國華

永濟監生
捐州吏目

四十二年
十一月到現任

秩官

鹽城進士

二十九年

任按徐士

縉之後有

署事李順

理詳名宦

傳

王登甲

福建舉人

三十三年

任

吳興宗

號慎修直

隸進士三

十四年任

三十七年

調餘干三

十八年回

任

邵倫清

常熟進士

三十九年

任

吳之珩

號朗山休

寧進士四

十二年任



秩官

顏文楷

號竹霽定

州進士四

十三年十

二月任

左方海

廣西進士

現任

防守

國朝

外委千總

順治 張文學

河南人十

七年任

康熙 王二

舒城人

九年任

蕭鳳

吉安人十

六年任

金俊

吉安人十

八年任

徐有慶

安義人二

十一年任



八陽界心

卷七